

Pages vaudoises

Autor(en): **[s.n.]**

Objekttyp: **Group**

Zeitschrift: **L'ami du patois : trimestriel romand**

Band (Jahr): **11 (1983)**

Heft 43

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Pages vaudoises



ASSOCIATION VAUDOISE DES AMIS DU PATOIS

Une vingtaine d'amis patoisants vaudois se sont réunis au Cazard, à Lausanne, le 19 novembre 1983. La présidente, Marie-Louise Goumaz, en ouvrant la séance, souhaite la bienvenue à tous, parlant tout au long de cette vêprée en vieux langage; elle propose une minute de silence pour honorer la mémoire de M. André Desponds, linguiste, mélomane, critique musical, tué sur la route par une auto folle, le 4 juin 1983.

La présidente rappelle l'accident mortel tragique du fils unique de M. Maurice Casanova, rédacteur au Glossaire des patois romands, enseveli par une avalanche de sérac alors qu'il allait, avec un camarade, au secours d'un alpiniste tombé dans une crevasse, et qui s'en est sorti par lui-même . . . Ainsi, tout cela pour rien mais tout de même par devoir envers son prochain. Que de tristesse pour notre ami Casanova à qui nous voulons dire notre sincère et profonde sympathie.

Un membre de notre comité, l'ami Jules Reymond, ancien président, décédé le 3 juin 1983, doit être remplacé; la présidente fait savoir que le comité propose une personne jeune, pour prendre la relève : Mlle Mary-Lise Perey, institutrice; accepté par l'assemblée.

La présidente annonce qu'il faut penser au concours Kissling, dont les travaux doivent être déposés pour le 30 avril 1984. Le jury n'a pas encore pu juger les travaux de concours 1983, c'est regrettable, mais il va s'encourager dorénavant.

Le Conseil romand a eu son assemblée le 12 novembre 1983 et a fixé la prochaine pour le 24 mars 1984. Le président Emile Dayer a fait savoir que la Fête des patoisants romands aura lieu à Sierre au mois d'août 1985 : écrivains patoisants à vos plumes !

La présidente vaudoise a eu le plaisir de souhaiter la bienvenue à M. Pierre Joseph, 87 ans, de La Tour-de-Peilz, nouveau membre de l'Association, qui a récité, en vieux langage, la Fable du corbeau et du renard.

La partie familiale a été agrémentée par des chansons, contes et histoires gaies qui ont réjoui les participants.



LE PATOISAN A MORZINE



Onna bouna veintanna de meimbro de l'Associa-chon vaudoise dâi z'Ami dâo patoi et de l'Ami-câla dâi patoisan de Savegny-Forî l'ant modâ po la Hiauta-Savoûya yô 'na Fîta savoyârda, remanda et valdôtaine dâo patoi dèvessâi lè ras-seimblyâ lè 24 et 25 setteimbro 1983.

Lè z'ami savoyâ l'avant tot préparâ âo pecolon et n'ein min z'u de couson per lé, et pu la tchan-ce l'ètai avoué lè patoisan dâo momeint que fasâi on tein asse biau que sti tsautein.

Du Lozena, n'ein rapertsî lè z'ami de pè Savegny Forî et Pouèdâo po fronnâ du Monthey su Abondance yô n'ein dinâ. Arrevâ à Morzine, n'ein prâi noutrè cantonnemeint à l'Hôtè prout-se de la Dranse de Savoûye. Reto âo velâdzo, âo Palais dâi sports yô confereïncè lâi a z'u su l'Histoire de la Savoûye, l'Avenî dâo patoi savoyâ et Franco-Provençal.

Lo pot de l'ameti l'a pas ètâ âoblyâ pè vè 18.30 h. et ice n'ein oyu lè discoû dâo syndico de Morzine et dâo maire valdôtain. Pu, po lo

soupâ, l'a ètâ la fondia de l'ameti po einveron 600 z'ami patoisan, que cein l'ètai quemeint la sepa âo lacî de Kappel, et l'ein a-te falyu dâi caquelon po tot clli mondo, mâ tot l'è bin z'u et granmaci âi z'ami savoyâ que sè sant rîdo bin dèvortolyî. Mâ lâi a ôquie que no z'a èbahi, l'è que lè z'ami frebordzâi l'ant pas participâ à la Fîta ; rîdo damâdzo ma fâi. Tot parâi, l'ein è vegnu ion, l'ami Ferdinand Tissot, d'Ollon, invitâ pè Pierre Devaud po venî djuvî dâo cor dâi

z'Alpè à la Fîta; l'a djuvî avoué on dzouveno Savoyâ et cein l'a ètâ ion dâi plye galé momeint permi lè z'autrè producchon. Bravô, l'ami Djozet.

Aprî lo soupâ, veillâ amicâla dè tî lè patoisan : dansè, tsanson et conto prâo matâra; noûtr'ami Frank Cherpillod ein a contâ iena et envouyî onna tsanson de sa balla et pucheinta voî. Cein l'a dourâ tant que pè vè la miné yô l'ètai l'hâora dè s'allâ reduire, dzoyâo et conteint.

La demeindze la matenâ, confereince dâi règeint à propoû dâo patoi à l'ècoûla yô on maitro l'a espllicâ coumeint fasâi po interessî sè tot dzouveno z'ècouli âo vîlyo leingâdzo; l'è dinse que, s'on volyâve vouardâ noûtron vîlyo dèvesa, foudrî ein preindre dè la granna po la sènâ per tsî no . . .

A dyî z'ahâorè, Granta Messa dâi patoisan, ein français, latin et patoi, yô l'eincourâ l'a de, djustameint, que lo patoi l'è onna granna que faut sènâ po pas la laissî sobrâ à tsavon.

Pè vè onz'hâorè, apéro-concè su la plyèce yô lè fanfaron dè Morzine djuvîvant se bin que cein zonnâve fermo, dâi dansè folkloriquè pè lè differeint groupo preseint. A midzo et la demi, lo dinâ po tot lo mondo et l'è de bî savâi que no z'ein ètâ rîdo bin soignî pè noûtrè z'ami savoyâ.

La véprâ, Granta Fîta dâo patoi : dâi tsant, dâi dansè sein dèbreinnâ, dâi recit d'onna bouna tegnâita patoisanna pè lè z'ami savoyâ que sant dâi tot suti po contâ dâi galésè gandoisè et lè doû z'ami djozet et savoyâ l'ant tsermâ tota l'asseimblâie avoué lâo duô de lâo cor dâi z'Alpè. Granmaci à tî po sta tant balla véprâ patoisanna.

A dyîzehouit'hâorè, remé lo pot dè l'ameti, lo derrâi câ on sâ prâo que totè lè bounè tsousè l'ant onna fin et l'a bin falyu sè resoudre à sè reinfattâ dein noûtron tsè po s'ein reveni pè lè tserrâirè totè pè verolet, adan que la né l'ètai tsesâita per dessu lè montagnè savoyardè. Dan, tot l'è bin z'u tant qu'âo bet de la Granta Fîta patoisanna de Morzine. On granmaci âi z'ami savoyâ d'outre la goille dâo blyû Lèman et, pâo'ître à on autre yâdzo. Eh bin vâi, lâi a z'u assebin onna Fîta dâi patoisan à Rumilly yô quauquè z'on de noûtrè meinbro lâi sant z'u assebin.

F. Duboux



ASSOCIACHON VAUDOISE DAI Z'AMI DAO PATOI

Onna veintanna d'ami patoisan vaudois sè sant reuni âo Casâ, à Lozena, lo 19 de noveimbro 1983; la presideinta, Marie-Louise Goumaz, ein âovreint la tenâblya, l'a sohitâ la binvegnâita à tî, ein dèveseint tandu tota la tenâblya ein vîlyo leingâdzo; l'a dèmandâ onna menuta de sileince po honorâ la mèmoire de Monsu André Desponds, hommo de teppa, escofiyî pè on tenomobilo, lo 14 dâo mâi de djuin 1983.

Et pu ye dit que Monsu Maurice Casanova, mâtro dâo Glossé-ro remand, l'a z'u lo grand dèlâo de pèdre s'n unico valet, que l'avâi, avoué on camèrârdo, volyu allâ âo sèco d'on hommo qu'ètai tsesâ avau on gouffro d'on lyècî pè la montagne; pè malheu, tî lè doû l'ant ètâ suprâi pè onna lavantse de lyèce et n'ant pas èta retrouvâ, adan que l'hommo que l'ant volyu sècorî s'ein è terî li-mîmo . . . Dan , tot clli mau po rein, mâ tot parâi pè dèvai po son seimblyâblyo. No volein dere à noûtron ami Casanova noûtra ferma et prè-vonda sympathi.

On meimbro de noûtron comitâ, l'ami Jules Reymond, vîlyo presideint, décèdâ lo 3 de djuin 1983, dâi îtrè reimplyècî, adan la presideinta fâ à savâi que lo comitâ l'a mousâ à Damusalla Mary-Lise Perey, règeinta, et dèmande se l'asseimblyâie l'è d'accôo de la nommâ âo comitâ : min d'opposechon.

Pu la presideinta l'a oncora fé rêmousâ âo Concoû Kissling, yô lè travau duissant îtrè preseintâ tant qu'âo 30 d'avri 1984.. Mâ lo jury dâo Concoû 1983 l'a pas pu ein an tant qu'ora et vao s'eincoradzî du z'ora ein lè.

Lo Conset remand l'a z'u s'n asseimblyâie lo 12 de noveimbro derrâi et stasse que vin l'a ètâ dècidâie po lo 24 de mâ 1984; lo presideint Emile Dayer l'a fé à savâi que la Fîta remanda dâi patoisan sè farâ à Sierre âo mâi d'oû 1985.

La presideinta l'a sohitâ la binvegnâita à Monsu Pierre Joseph, 87 an, novî meimbro de l'Associachon, que no z'a contâ la fâblya dâo Corbè et dâo renâ ein vîlyo dèvesâ.

Dâi conto, tsanson et galésè gandoisè l'ant agrèmeintâ la sècond'eimpartyà de sta redzoyesseinta véprâ.

